



四



聲

竹友詞

目錄

鵲橋仙

生查子

浣溪沙

醉蓬萊

虞美人謝

定風波

菩薩蠻謝

如夢令

偷聲木蘭花

減字木蘭花謝

蝶戀花

江神子



嘉惠堂鈔本

竹友詞

鵲橋仙

宋 謝 邁

月隴星淡南飛烏鵲暗數秋期天上錦樓不到野人
家但門外清流叠嶂一杯相屬佳人何在不見繞
梁清唱人間平地亦崎嶇歎銀漢何曾風浪

菩薩蠻

陳二首
虛中席上別李商老

雪消新洗寒林碧華堂向晚開瑤席一曲杜韋娘有
人空斷腸 謫仙同夜讌曉即歸程遠莫放酒尊空
主人陳益公

其二梅

相思一夜庭花發
窗前忽認生塵襪
曉夜豔寒粧雪
肌生暗香
佳人纖手摘手與花同色
插鬢有誰宜
惟應潘玉兒

生查子

和李商老

情親難語離
且盡玻璃瓊雙鯉
有來時莫使音書緩
征驂去若飛
不道家山遠
相見小馮君
笑語迎歸鴈

如夢令

陳虛中席上作贈李商老

人似已圓孤月心似丁香百結
不見謫仙孤負梅花時節
愁絕愁絕江上落英如雪

浣溪沙

陳虛中席上和李商老雪詩

嘉惠堂鈔本

柳絮隨風散
漫飛簷冰成柱
粟生肌力排寒氣
賴金卮
賦麗誰為梁苑客
調高難和郢中詞
且煩呵筆寫烏絲

偷生木蘭花

梅

景陽樓上鐘聲曉
半面啼粧勻未了
斜月紛紛斜影幽
香暗斷魂
玉顏應在昭陽殿
却向前村深夜見
冰雪肌膚還有斑斑雪點無

醉蓬萊

中秋有懷無逸兄并示何之忱諸友

望晴峯染黛暮藹澄空碧
天無漢圓鏡高飛又一年
秋半皓色難同歸
心暗折聽喚雲孤雁問月停杯錦袍何處一尊無伴
好在南鄰詩盟酒社刻燭爭成

聲

引觴愁緩今夕樓中繼阿連清玩飲劇狂歌終起
舞醉冷光凌亂樂事難窮疎星易曉又成浩歎

減字木蘭花

三首
和人梅詞

江邊一樹愁絕黃昏誰與度琪樹瓊枝不受雄蜂取
次欺 風前望處直恐乘風吹得去能動詩情故與
詩人獨自成

其二 中秋

尋常三五坐待屋山飛玉兔試問姮娥底事清光此
夜多 尊空客縱滿有肅霜無處換不到金荷可奈
金波激灩何

其二 贈棋妓

嘉惠堂鈔本

銷

風篁度曲倦倚銀屏初睡足清簟疎簾金鴨香鎖懶
更添 纖纖露玉風電縱橫飛鈿局顰斂雙蛾凝佇
無言密意多

虞美人

九首
和董彥遠

金釵盡醉何須半莫糝浮杯亂黃花香返嶺梅魂好
把一枝斜插向烏雲 坡詞欲唱無人會桃葉知何
在與君同詠一聯詩但道老來能趁菊花時

其二

人間離合常相半壁月宜長滿九秋風露又方闌何
日小窗相對話悲歡 月華臨夜宜人醉老嗟去顏
悴君如玉樹照清空况有凝之道韞一尊同

蝶戀花過董之南

一水盈盈牛與女目送經年脉脉無由語後夜鵲橋
知暗度持杯乞與開愁緒君似庾郎愁幾許萬斛
愁生更作征人去留定在鞍君且住人間豈有無愁
處

定風波七夕莫莫堂席

牛女心期與目成彌彌脉脉得盈盈銀河度今夕憑鵲相遇
玉鉤新吐照雲屏行旆雍容留宴語將暮方携珠
袖列山亭寂寞江天正霧回顧不應中有少微星

江神子

破瓜年幾柳腰身懶精神帶羞嗔手把江梅冰雪鬪

嘉惠堂鈔本

清新不向鴉兒飛處著留乞與眼中人水精船裏
酒粼粼皺香茵駐行雲舞罷歌餘花困不勝春悶著
些兒心底事才靨笑又眉顰

竹友詞畢

竹友詞

四

嘉惠堂鈔本

東澤綺語

目錄

疎簾淡月

貂裘換酒

淮甸春

如此江山

釣船笛

廣寒秋

月當窗

山漸青

碧雲深

東仙

南浦月

沙頭雨

花自落

垂楊碧

欄干萬里心

杏梁燕

比梅

月上瓜洲

月底脩簫譜

一絲風

憶蘿月

念奴嬌

祝英臺近

嘉惠堂鈔本

東澤綺語

宋張輯

疎簾淡月

寫桂枝香秋思

梧桐雨細漸滴作聲秋聲被風驚碎潤逼衣篝綫裏
蕙鑪沈水悠悠歲月天涯醉一分秋一分憔悴紫簫
吟斷素牋恨切夜寒鴻起又何苦淒涼客裏負草
堂春綠竹溪空翠落葉西風吹老幾番塵世從前語
盡江湖味聽商歌歸興千里露侵宿酒疎簾淡月照
人無寐

貂裘換酒

寫賀新郎乙未冬別馮可久

笛喚春風起向湖邊臘前折柳問君何意孤負梅花

立晴晝一舸淒涼雪底但小閣琴棋而已佳客清朝
留不住為康廬只在家窗裏湓浦去兩程耳草堂
舊日談經地更從容南山北水庾樓重倚萬卷心胸
幾今古牛斗多年紫氣正江風上寒如此且趁霜天
鱸魚好把貂裘換酒長安市明夜去月千里

淮甸春

寓念奴嬌兩申歲游
高沙訪淮海事迹

短髯懷古更文遊臺上秋生吟興聞說坡仙來把酒
月底頻留清影極目平蕪孤城四水畫角西風勁曲
欄猶在十分心事誰領詞卷空落人間黃樓何處
回首愁深省斜照寒鴉知幾度夢想當年名勝只有
山川曾窺翰墨彷彿餘韻舊遊休問柳花淮甸春冷

嘉惠堂鈔本

如此江山

寓齊天樂

西風揚子江頭路扁舟雨晴呼渡岸隔瓜洲津橫蒜
石搖盡波聲千古詩仙一去但對峙金焦集斷磯青樹
欲下斜陽長淮渺渺正愁予中流笑與客語把貂
裘為浣半生塵土品水烹茶看碑憶鶴恍似舊曾遊
處聊憑陸翥問八極神遊肯重來否如此江上更蒼
煙白露

釣船笛

寓好事近

載酒岳陽樓秋入洞庭深碧極目水天無際正白蘋
風急月明不見宿鷗驚醉把玉欄拍誰解百年心
事恰釣船橫笛

廣寒秋

杯行將半月來猶未滿
洒水亭無暑清宵數客一欄
秋對冰雪荷花似語
雄邊臺上咫尺紅雲容與天
風吹送廣寒秋正畫舸湖光佳處

月當窗

寓霜天曉角

看朱成碧曾醉梅花側
相遇匆匆相別又爭似不相
識
南北千里隔幾時重見得最苦子規啼處一片
月當窗白

山漸青

寓長相思

山無情水無情楊柳飛花春雨晴
征衫長短亭擬
行行重行行吟到江南第幾程
江南山漸青

嘉惠堂鈔本

碧雲深

寓憶秦娥

風淒淒井欄絡繹驚秋啼
涼侵好夢月正樓
西捲簾望月知心誰關河空隔
長相思長相思碧
雲暮合有美人兮

東仙

寓沁園春馮可遷
號余為東仙故賦

東澤先生誰說能詩興到偶然
但平生心事落花啼
鳥多年盟好白石清泉家近富
亭眼中廬阜九疊屏
開雲錦邊出門去且掀然大笑
有釣魚船一絲風
裏嬋娟愛月在滄浪上下天更
叢書觀遍筆牀靜
晝蓬窗睡起茶竈烟疎黃鶴來
遲丹砂成未何日風
流葛稚川人間世聽江湖詩友
號我東仙

南浦月

寫點絳唇賦
湘漁父

來剪萼絲江頭一陣鳴
蓑雨孤蓬歸路吹得蘋花暮
短髮蕭蕭笑與沙鷗語
休歸去玉龍嘶處遶月過
南浦

沙頭雨

寫點絳唇

帶醉歸時月華猶在吹蕭處
晚愁情緒忘却忽忽語
客裏風霜詩鬢如空許
江南去岸花迎艣還隔沙
頭雨

花自落

寫詞金門

春寂寞簾低蕙爐烟薄
聽盡歸鴻書怎託相思天一
角
象筆鸞牋聞知秀白與誰商
畧睡起愁懷何處

嘉惠堂鈔本

着無風花自落

垂楊碧

寫詞金門

花半濕睡起一窗晴色千里
江南真咫尺醉中歸夢
直
前度蘭舟送客雙鯉沉沉消息樓外垂楊如此
碧問春來幾日

欄干萬里心

寫憶王孫

小樓柳色未春深湘月牽情入苦吟
翠袖風前冷不禁
怕登臨幾曲欄干萬里心

杏梁燕

寫解連環

小樓春淺記鈎簾看雪袖沾芳片似不似柳絮因風
更細與品題屢呵冰硯宛轉吟情縱真草鳳牋都徧

東澤雜言
到燈前笑謔酒被峭寒移盡更箭而今柳陰滿院
知花空雪似人隔春遠歎萬事流水斜陽謾贏得前
詩醉汗團扇脉脉重來算惟有畫欄曾見把千種舊
愁付與杏梁語燕

比梅寫如夢令

深夜沉沉尊酒酒醒客衾寒透城角挾霜飛吹得月
如清晝傷憇憇比着梅花誰瘦

月上瓜洲

寫烏衣巷南
多景樓作

江頭又見新秋幾多愁塞草連天何處是神州
英雄恨古今淚水東流唯有漁竿明月上瓜洲

月底脩簫譜

寫祝英臺近乙未之秋
高郵朱使君錢塘舟中

嘉惠堂鈔本

客西湖聽夜雨更向別離處小小船窗香雪照尊俎
斷腸一曲秋風行雲不語總寫入征鴻無數認眉
嫵喚醒岩壑風流丹砂有奇趣羞殺秦郎淮海謾千
古要看自作新詞雙鸞飛舞趁月底重脩簫譜

一絲風

寫新哀情
泊松江作

卧虹千尺界湖光冷浸月茫茫當日三高何處漁唱
入淒涼人世事縱軒裳夢黃梁有誰篋笠一釣絲
風吹盡荷香

憶蘿月

寫清平樂
客所江秋
夜鼓瑟思故山作

新涼窗戶間對琴言語彈到無人知得處兩袖五湖
烟雨坐中斗轉參橫珠躔碎落瑤甃憶着故山蘿

月今宵應為誰明

念奴嬌

嫩涼生曉恠得今朝湖上秋風無迹古寺桂香山色
外腸斷幽叢金碧驟雨俄來蒼烟不見苔徑孤吟屐
繫船高柳晚蟬嘶破愁寂且約攜酒高歌與鷗相
好分坐漁磯石算只藕花知我意猶把紅芳留客樓
閣空濛管絃清潤一水盈盈隔不如休去月懸良夜
千尺

祝英臺近

竹間棋池上字風日共清美誰道春深湘綠漲沙觜
更添楊柳無情恨烟聲雨却不把扁舟偷繫去千

東澤綺語

里明日知幾重山後朝幾重水對酒相思爭似且留
醉奈何琴劍匆匆而今心事在月夜杜鵑聲裏

東澤綺語畢

身法錄

滄浪詞

目錄

滿江紅

沁園春

嘉惠堂鈔本

滄浪詞

宋 嚴羽

滿江紅 送廖叔仁赴

日近觚稜秋漸滿
蓬萊雙闕錢塘江上潮頭如雪把
酒送君天上去
瓊琚玉珮鸛鴻列丈夫兒富貴等浮
雲看名節
天下事吾能說
今老矣空凝絕對西風
慷慨唾壺歌闕不洒
世間兒女淚
難堪親友中年別
問相思他日鏡中看
蕭蕭髮

沁園春 為董叔宏賦溪莊

問訊溪莊景如之何
吾為平章自月湖不見江山零
落驪塘去後煙月淒涼
有老先生如梅峰者健筆縱

橫為發揚還添得石屏詩句一段風光由主人雅興
猖狂每携客臨流泛羽觴想歸來松菊小煩管領同
盟鷗鷺未許相望我道其間如斯人物只合盛今白
玉堂還須把扁舟借我散髮滄浪

滄浪詞畢

嘉惠堂鈔本

倚菴詩餘

目錄

水龍吟首二

長相思首三

柳梢青首二

點降唇

念奴嬌

蘇幕筵

滿江紅

風流子

天仙子首二

玉漏遲首二

歸朝歡

臨江仙

摸魚兒首二

沁園春

滿庭芳

玉燭新

鵲橋仙

南鄉子

石州慢

木蘭花慢

賀新郎

倚菴詩餘目錄終

嘉惠堂鈔本

倚菴詩餘

宋李祺

水龍吟

題鐫蘭亭石
上程福卷

右軍真蹟蘭亭秘藏玉匣昭陵久暮然驚見夜光明
月煥輝窗曠穆穆誠齋濡毫臨出遠過韻杞柳瓊鈎
寶畫比方古本此本斷應居首 寫在金箋紙上競
傳觀怎麼操故教鐵筆連圖入石要令難朽羨爾良
工藝能巧妙於今稀有細看來恰似生成喝采那雕
鐫手

又

題都帥馮侯
巧子一樂堂

豫章徐孺湖邊粉墻畫戟元戎第高門畫靜疎簾風

有脫誤

淡博山香細椿樹長榮萱聚鎮茂荆花連蒂有珍穀
脆滑純綿輕暖凡奉養都加 先祖竭中帝 到如
今子孫承繼將門有將非徒英勇仍能孝義百戰成
功萬鍾為養也知容易願斯堂八柱堅如鐵永留人
世

長相思

春日 郊外

桃未紅杏未紅近社郊原尚似冬連朝頻刮風 麥
茸茸草茸茸菜吐黃花三兩叢春光何處濃

又

春雨

朝淋漓暮淋漓到處牆傾土屋欹放晴知幾時 濕
花枝洗花枝平地瀰漫漫作池蓑衣終日披

嘉惠堂鈔本

又

怕傾盆轉傾盆傘笠都無強出門滿身泥水痕 行
厭聞坐厭聞溜響從朝達夜分聒聾雙耳根

柳梢青

題秋 塘圖

落盡芙蓉收殘菱蕩晚色淒迷斷荇隨流枯荷折柄
秋老蘇堤 沙禽自在幽棲極浦外天連水低粉墜
蓮房波漂菰米烟暝湖西

又

題其 慶堂

素髮嚴親酌顏慈母眉壽雙全屋潤家肥兒恭婦順
孫更能賢 夫妻快活團圓這想是前生福緣更積
陰功仍行好事長享耆年

點降脣

柳

東面風來施吹輕綠回梢上眼兒纔放便做嬌模樣
到得成陰早又花颺蕩隨隄望和烟烟搖颺人去
愁相向

念奴嬌

寄致政朱紀善先生

柳綿飛處政和風淡蕩輕飄晴憶殺故人千里外
客館怕聽啼鳩桂水危亭虞山古廟幾度同登謁君
歸吾處可憐孤負奇絕長是夢見風標晨鐘敲醒
無柰依然別去歲魚箋篆遠寄性寫相思情切乞得
閒身看山玩水著甚酬風月只應詩酒興來還自怡
悅

嘉惠堂鈔本

蘇幕筵

題清溪漁隱

浦雲水山月放紅蓼灣頭秋水生漲一箇輕舟雙漿
盪蕭散江湖富貴非吾望繫空明凌混濔清鷺河鷗
處處長相傍馬首紅塵三百丈任爾風吹不到蓑衣
上

滿江紅

送陳僉事

桃李

春滿梁園韶光媚盛開極桃清明過數他花信只今
餘有幾客携書還故里盡船且向沙頭艤問此行歸
去甚時來明年裏征帆挂離歌起盃易盡情難已
羨君家賢弟列官風紀更道翁能博友愛下連枝同
氣成雙美想細君聽鵲聲喧門頻倚

風流子 題周恭政南峯書舍

錢塘最勝處龍井畔此地是君家有誰柳引鶯古松
巢鶴石裁蒲草池種荷花客來訪綠衣鋪座席紅袖
過湯茶評史講經賦詩觀帖竹間碁局窗下琵琶
况湖山清雅僧房占不盡水竹烟霞贏得老辭畫省
榮賜烏紗便重尋舊隱歌當細聽酒當滿汎休問其
他人道昔時書屋今更光華

天仙子 題趙仲穆蘭

憶昔維舟湘水曲露浥芳蕤飄遠馥褰裳徐步踏晴
沙東一簇西一簇盡日徘徊看不足 歎惜光陰如
轉轂老去觀圖指病目 花絕俗葉絕俗想像王孫

嘉惠堂鈔本

目下二本空七格

清似玉

其二

公子才華偏醞藉九畹春光生筆下幻成花葉恰如
真他看罷咱看罷不信根苗原是盡 醉眼摩挲驚
復訝端的人能移造化 風不謝雨不謝一任卷將
堂上掛

玉漏遲 慶表兄陳安行初度

水風蘋水起三庚怎退新涼堪喜玩竹吟翁此日瑞
呈孤矢阿母親來慶壽賜玉液清香滑美端的延李
却疾頤神健體 快餘不敢推辭試 吸纔吞六塵
如洗換骨更形只消數甌而已自是長生有分便可

目下二本空七格

飲

在地仙班裏却說道人中再說如你

又送費同知
考滿之京

螺川清徹底地靈人傑俗敦廉恥闔群民家十有九
家詩禮幸得循良二守共撫字政平訟理多少貧窮
感戴章逢稱美 倏忽樂及瓜期看課最天官上聞
丹宸不次遷任聯六脚班裏此際同寅北望比別箇
倍增歡喜端的是人生似公有幾

歸朝歡 送知府陳
考滿之京

瀨氣潛消三伏暑商吹送涼侵白芋驛亭張宴餞邦
侯管絃低處聞金縷

勤頻歡杯中醋這九年用心撫卹百姓似兒女 青

嘉惠堂鈔本

雲萬里期高舉第一功名端的取曾覃惠澤及疲民

仍將忠愛酬明王臨別聽我語巖廊接武臯夔侶把

臨江仙 題墨菊 送
陳知府

一段秋光新寫就盛開不待重陽枝稍花葉互低昂
巧將離下艷幻作畫中芳 為問淵明何獨愛愛他
晚節寒香從今移種上林傍時時承雨露歲歲傲風
霜

模魚兒 辛丑生
朝自壽

笑吾生為緣几骨神仙自遇難度隨群逐隊埃塵裏
年少遠成哀暮忙退步這鳳翼龍鱗老掘難攀附况
當末路亟納祿投閑養病延壽隨意做詩賦 懸旅

且周極親恩已負持身惟謹清素繁華易歇同朝露
歎幾箇人能悟非義富非義貴石崇元載何須慕乘
除有數全晚節尤難粗衣淡飯天自管分付

又

記昔年十分輕健秦淮白下游徧結交盡是高懷侶
多伴舞衫歌扇心眷戀縱雨且泥妨幽何曾倦曲房
下院有鯽膾銀絲蟻浮綠醞暢飲醉仍勸 分離也
恰似雲鴻海燕音書特寄無便風流杜牧今樵悴謾
想柳眉花面江萬轉山萬疊怎生能勾重想見光陰
似箭回首是衰翁思量前事清淚落如霰

沁園春

山莊
即事

嘉惠堂鈔本

山是何名族為甚姓地本荒涼况土饒田狹眾人棄
置天教與我卜築成莊嶺月為朋溪雲當客更有林
風時送涼養衰病惟靜窺周孔默契程張 升沉寵
辱都忘且懵懵騰騰醉幾場到東門歎犬華亭歎鶴
梅之晚矣徒自悲傷幻夢軒裳生涯筆硯陵谷從他
海復乘幽間處謝天留老眼坐閱興亡

滿庭芳

賀人四月十日
生

梅彈垂金柳綿飄雪綠陰清畫徧長畫堂初曉慶壽
沸笙簧花甲從頭再起任教他烏兔奔忙懸孤且纔
登耳順痛飲又何妨 年年逢此日新茶新筍件件
堪嘗喜子能幹盡孫戰文場那更間自在且休論紫

綬

綬金章人都莫天留老眼安坐閱滄桑

玉燭新壽舍弟昌明初度

春光忙似箭又三月初三牡丹開偏卯君初度當日
祝壽惟深繾綣八人同氣但只覩五人顏面我一箇
分外龍鍾難似四人強健如今骨肉無多但有興
能來且休罷倦更教兒姪願箇箇努力聖經賢傳空
詞一闋笑寫當袖中鵲麵期歲歲逢此生朝持盃來
勸

鵲橋仙自述

儒官相誤虛名相誤衰病又還相誤身憐身世總無
成朝枉了青春虛度書生曾做京官曾做方面也

嘉惠堂鈔本

曾做顛來倒去竟如何只落得一貧如故

南鄉子送人之京

北上別家山韋布趨朝識聖顏水路七十端的遠艱
難了却公家事早還暑退夏初殘拜別紅雲虎豹關
日正逢稔稻熟加餐受用鄉園暮景間

石州慢詠青娥眉淡竹草

異草從來 藁間開偏既非紅紫

又非黃白閑園曠野多少黛娥螺髻水盤帶露侵晨
摘磁鉢放輕研翠脂凝光澤奇澤最風流處寶鏡
臺前繡香奩側未欣勻面慵作填額且付描扇
描圖底須去問倭夷國誰製與佳名也端然消得

木蘭花慢

慶壽

過元宵五日燈山罷壽筵張喜盛集親朋爭喧鼓吹
滿泛壺觴八仙共教童子送蟠桃封寄與翁嘗甘比
玉杯龍液冷如金盤冰漿佳兒拜奉上高堂擘破
散入香拾入口半枚躬田溫暖腑臟清涼管取延年
卻老轉顏紅髮黑兩瞳方此去纔周花甲從頭再數
何妨

賀新郎

冬暖天晴霽燦三星居然在戶煥輝庭砌照見堂前
荆花樹一朵忽成雙帝聽花底笙歌聲沸報道仙娥
辭洞府跨青鸞喜會文章塔態窈窕容端麗知即

嘉惠堂鈔本

早有凌雲志小科場探花手段好教先試仍學風流
張京兆巧畫翠眉纖細却慢慢大登科第况是妙年
諧燕爾且親前齊著爛編戲衆唱采好兄弟

倚菴詩餘終

嘉惠堂鈔本

夢庵詞

目錄

風入松調一

買陂塘調一

清平樂調一

虞美人調一

水龍吟調一

浪淘沙調一

醉落魄調一

朝中措調一

臨江仙調一

漁家傲調一

水龍吟調一

河傳調一

千秋歲調一

清平樂調一

聲聲慢調一

過秦樓調一

如夢令調一

木蘭花調一

王涌遲詞

浪淘沙詞

如夢令詞

千秋歲詞

洞仙歌詞

聯芳詞三

嘉惠堂鈔本

夢庵詞

宋張昇

風入松

壽何幼澄

去年今日慶長生跨鶴上瑤京今年此日長生宴畫
堂開十二雲屏酒暖金杯錯落風晴玉佩東丁亭
亭玉樹長瑤英香霧拂簾旌蟠桃花底春如海正雙
頭結子初成願我也登百歲年年來締芳盟

漁家傲

賦野航

身似野航無定止長年漂泊誰拘繫桃葉江連桃葉
渡回首處殘陽幾點青山暮昨夜鷗波涼似水和
烟艤在蘆花尾一縷閑情夢底風又起不知流下

前灘去

買陂塘賦東郭

愛草堂帶村連郭門前綠水千頃秋波冷浸遙山晚
青鏡淨涵眉影沙浦迥怪隔水漁歌鷗夢都驚醒時
乘小艇向柳外花邊載詩載酒獨盡漫遊興 謾重
省且得身閑心靜樂事自甘瓢飲好懷誰道中年減
佳趣更多吟咏 轉徑門正對朝陽不怕梅花冷流
連暮景肯容我為鄰相依卜築共尔兩家隱

水龍吟

為嘉定弓二
令賦野趣軒

自從遙羽鵷行幾年負却林泉趣夢魂不到渚荷香
裡汀鷗盟處心想烟霞身居民社莫言歸計幸明良

嘉惠堂鈔本

際會好為展風雲志

頻情東風傳語謝猿鶴舊時

傳侶尋幽何不復采蘋南磧問梅東墅從此安排詔

棠佳政哦松新句想朝回花底賦情猶在丹山碧水

清平樂

題陶學士
驛亭圖

郵亭靜悄此際風光好燭暗香銷又驚曉叙得懽情
多少今朝人在筵前江南一曲俄傳懊惱昨宵燈下
琵琶莫撥朱絃

河傳

題會真
記後

初見嬌面掩香羅意遲遲情更多臨行那更轉秋波
奈何相君紫翠蛾 月轉西廂花弄影人迹靜珮解
霞綃冷膩香紅正情濃匆匆夢驚蕭寺鐘

虞美人題採菱圖

採菱時 菱湖口菱角愁纖手採菱艇子小如梭只
怕蘋風吹浪晚來多 傷心惜昔分秦鏡羞覩菱花
影鴛鴦湖上正雙棲莫唱一聲水調恐鷺飛

千秋歲題壽星圖

霞迎佳瑞晴色分新霽花影淡香風細星輝南極表
鶴唳祥烟裏春正好蟠桃又結雙頭蕊 仙子來朝
處微步鳴環珮錫佳宴同良會滿斟長壽酒共飲拚
沈醉天地久朱顏不老千秋歲

水龍吟東城八咏東城

十年不到東城人家又比當時少自從兵後葑田荒

嘉惠堂鈔本

盡郊墟如掃戰壘西邊驛亭南畔路遙人悄悵城邊
尚有半枯楊柳雖憔悴猶環繞 回首愁雲縹緲景
悽涼豈堪登眺吟邊眼底一回傷感一回良老粉堞
斜陽女垣落月空留殘照歎依然江郭人歸何處鶴
歸華表

清平樂咏葑田

孤邨雖小幾人家遠菰葉纖纖波渺渺摘得菰根多
少

浪淘沙咏沙灘

雨過碧雲秋占斷灘頭滄浪翻處溼纖柔誰展翠茵

夢庵詞
平似剪宿鷺眠鷗 沙尾遠凝眸雨慘烟愁萋萋不
共水東流幾度漁人來傍宿綠映孤舟

聲聲慢

咏柳

誰栽楊柳接蔭分行都遠遙汀綠暗柔枝枝頭時轉
啼鶯長條萬絲袅娜蘸漣漪常是青青堪憐處有漁
舟頻纜不送人行 最愛東風三月映綠波搖曳金
縷輕盈回首春殘飛花亂撲漁罾新彎黛眉愁歛怕
水痕收處翠凋零濃陰裡共間鷗時覓舊盟

醉落魄

咏苔

翠鈿狼籍綠圓點點濃如積芳痕漲雨凝寒碧一片
濃陰休掃坐來石 徑深不放殘陽入草草似染春

嘉惠堂鈔本

紅色芳塵淨洗無纖迹吟客來時只恐印行屐

過秦樓

咏紅
渠港

娟娟芙蓉平鋪斷港路入錦雲處香浮綠水浪捲晴
舟在翠紅鄉裏湘妃餘酣未醒擁蓋藏羞含嬌欲語
想凌波塵遠搖鳴珮風飄豔綺 望中宛似若耶溪
隔花只欠小艇採蓮女最憐芳意佳藕難尋腹斷寸
絲千縷葉老房空嗟此時一點芳心更苦且休歌水
調恐驚走文鴛雙侶

朝中措

咏綠
萍灣

一灣春水泛浮萍黛色與溪平鋪鏡翠鈿點點隨波
綠縷盈盈 魚跳乍散風回還聚浪捲尤輕堪笑也

夢庵言
四
無根蒂半生似我飄零

如夢令

咏石徑

庭掩塵蹤靜悄雨長苔痕繚繞行處不妨花容我醉
眠偏好休掃休掃待積落紅多少

臨江仙

咏菊籬

晚圃安排秋後景疎疎插竹編籬籬邊種菊兩三枝
金錢買秋色粉靨逞芳姿 記折小枝簪白髮霏霏
香霧沾衣陶家風致有誰知眾芳搖落後對此頗相
宜

木蘭花

贈韓士原

以應不願惟但願識荊州美志氣顛昂襟懷洒落

嘉惠堂鈔本

文采風流長才不求世用幽棲閭里共沉浮華髮慵
臨秦鏡青雲笑舞吳鉤 香奩佳句有誰酬擊節付
清謳每開宴留賓錦鱗細膾綠蟻新筍愛冰清玉潤
映幾枝丹桂暗香稠同處桑榆故里暮年共樂優游

玉漏遲

和饒介之

宿醒纔半醒又紫殘夢困迷清曉瘦也因春減却帶
腰圍小最苦勞心一點愁長有許多纏繞才褪了吟
情不到謝家春草 欲買園苑栽花奈花未含英人
嗟先老鍾鼎山林總似華胥一覺前度英雄何在吳
興越盡皆為沼應自笑回首故人偏少

浪淘沙

咏壽星圖

夢庵言

五

無根蒂半生似我飄零

如夢令

詠石徑

庭掩塵蹤靜悄雨長苔痕繚繞行處不妨花容我醉
眠偏好休掃休掃待積落紅多少

臨江仙

詠菊籬

晚圃安排秋後景疎疎插竹編籬籬邊種菊兩三枝
金錢買秋色粉靨逞芳姿 記折小枝簪白髮霏霏
香霧沾衣陶家風致有誰知眾芳搖落後對此頗相
宜

木蘭花

贈韓士原

封侯應不願惟但願識荊州美志氣顛昂襟懷洒落

嘉惠堂鈔本

文采風流長才不求世用幽棲閣里共沉浮華髮瀟
臨秦鏡青雲笑舞吳鉤 香奩佳句有誰酬擊節付
清謳每開宴留賓錦鱗細膾綠蟻新筍愛冰清玉潤
映幾枝丹桂暗香稠同處桑榆故里暮年共樂優游

玉漏遲

和饒介之

宿醒纔半醒又縈殘夢困迷清曉瘦也因春減却帶
腰圍小最苦勞心一點愁長有許多纏繞才褪了吟
情不到謝家春草 欲買園苑栽花奈花未含英人
嗟先老鍾鼎山林總似華胥一覺前度英雄何在吳
興越盡皆為沼應自笑回首故人偏少

浪淘沙

詠壽星圖

夢庵詞

五

金姥煉芳顏名占仙班今朝南極降人間翠葆參差
香霧軟瑤珮珊珊霞彩映琅玕舞鳳回鸞玉壺壽
酒似春寬最善蟠桃初結子顆顆垂丹

如夢令

咏雙花
仕女

臉印枕痕紅透髻解雲鬟綠縵睡起不勝情
閑把花枝頻數知否知否人與花枝俱瘦

千秋歲

壽韓伯承

星輝天際南極飛仙馭駕鸞鳳鳴環珮纖歌雲繞扇
妙舞風飄袂初度也紅光燦爛流華渚芳信傳青
羽催赴瑤池會慶遐壽拚沈醉共誇人不老穩情春
留住知幾許願同一曲千秋歲

嘉惠堂鈔本

洞仙歌

壽任令

金風玉露華誕新秋後最喜祥光炫晴晝曉簾深香
霏瑞靄紛紛人戲綵正在高堂稱壽年年誇此日
全勝芳春比似芳春更宜酒清興每城松美政能才
咸羨世希有又堪憐枝上蟠桃願歲歲來看花開子
就

聯芳詞

有引

霜入千林眾芳俱歇青陽肇令梅先着花與
梅共芳惟水仙早韶華九十二花開端水仙
雖微見梅之清深如愛敬遂度夾鐘宮一曲
以美之曲曰暗香疎影梅亦愛水仙之秀荅

以黃鐘商之曲曲曰瑞鶴仙東君樂其二花
 之交權不能自默亦度無射羽一曲以嘉賞
 焉曲曰聲聲慢夫梅與水仙皆以色事東君
 者乃能成無妬忌而愛敬贊美若此可謂賢
 矣既嘉其賢不可不錄其曲援筆遂錄一過
 錄之者画眉京兆之裔人稱之夢庵云

冰肌瑩潔更暗香零亂淡籠晴雪清瘦輕盈悄悄嫩
 寒猶自怯一枕羅浮夢醒閑縱步風搖瑤瑛尚記得
 此際相逢臨水半痕月妖豔不全桃李凌寒又不
 與眾芳同歇古驛人遙東閣吟殘忍與何郎輕別粉
 輕點宮妝巧怕葉底青圓時節問誰人黃鶴樓頭玉

嘉惠堂鈔本

笛莫教吹徹

右暗香疎影

盈盈羅襪移芳步凌波緩踏明月清漪照影玉容凝
 素髻橫金鳳裙拖翠纈渺渺澄江半涉晚風生寒料
 峭消瘦想愁怯我借為兄山樊為弟也同奇餘絕
 芳牘馥尚薰透霞綃重疊春心未展閑情在兩彎眉
 葉便蜂黃褪了丰韻媚粉頰

右瑞鶴仙

雪晴山鄔月冷江皋歲寒解后相逢攜手歸來輕盈
 一樣春容行行間鳴環珮暗香霏縹緲東風弄花手
 與安排金屋共貯芳穠雅淡暗通心素笑桃根桃

夢庵詞
七
葉冶豔妖紅試問韶華樽前若箇情濃想是喬家姊
妹可人處致清皆同春正好淡眉山愁減幾重

右聲聲慢

夢庵詞

嘉惠堂鈔本

益極齋樂府

目錄

水龍吟調

賀新郎調

沁園春調

齊天樂調

西江月調

虞美人調

洞仙歌調

嘉惠堂鈔本

益極齋樂府

宋 陳 深

水龍吟 壽白蘭谷

此翁疑是香山老來愈覺才情富天孫借與金刀玉
尺裁雲縫霧一曲陽春樽前唯欠柳蠻櫻素對蒼松
翠竹江空歲晚伴明月傾芳醕 深谷脩蘭楚楚續
離騷載歌初度麻姑素約天寒相訪遺余瓊露擬借
青鸞吹笙碧落采芝玄圃柰玉堂催召文園醉叟草

凌雲賦

賀新郎 壽春黃谷時自南州過浙右相宅合卷有期通壽日

丹鳳翔雲表覽德輝翩然飛下翠蓬仙島銀漢無聲

天似水昨夜新涼多少前夕聽一曲瓊簫音渺千尺
秦臺凌空峻見一雙翠羽先飛到披紫霧攬瑤草
風流別乘當英妙對江山掀髯把酒浩歌長嘯綠髮
公侯何足浼自是無雙才調况槐蔭青青天杪月殿
姮娥雲深處近清秋丹桂催開早斟綠醕戴花帽

沁園春

次白蘭谷韻

浪迹烟霞有酒千鍾有書五車任從來蕭散閑心似
水何堪媼媚笑面如花濯髮滄浪放歌海肯被紅
塵半點遮誰知道抱無名鉅璞重價難賒嘻嗟大
澤龍蛇且蟠屈深潛得計些看淋漓醉墨神情自足
摩挲雄劍肝膽無邪渭水烟蓑營丘綉袞出處何嘗

嘉惠堂鈔本

有異邪今何在但素蟾東出紅日西斜

齊天樂

八月十八日壽婦翁號菊圃

秋濤玉漲西陵渡江亭曉來雄觀帝子吹笙洛妃楚
舞應喜蓬宮仙誕斗墟東畔望縹緲星槎來從河漢
明月樓臺綉筵重啟曼桃譙莊樵一樹翠色五枝
芳桂長金蘂玉榦自笑狂疏樽前起壽不似衛郎温
潤一卮汎滿羨彭澤風流醉巾長岸老圃黃花清香
宜歲晚

西江月

製香

龍沫流芳旖旎犀沈鋸屑霏霏薇心玉露練香泥壓
盡人間花氣銀葉初温火緩金猊靜裏烟微此時

清賞只心知難向人前舉似

虞美人

題玉環
玩書圖

玉搔斜壓烏雲墮柱頰看書卧開元天子惜娉婷一
笑嫣然何事便傾城 馬嵬風雨歸時路豔骨銷黃
土多情誰寫畫圖中江水江花千古恨無窮

洞仙歌

八月十七日壽耕參
夫人時命羽士設醮

銀波湛碧遙汎仙槎早婺宿熒煌瑞雲曉慶芳傳丹
桂歡動連枝稱壽處一簇蓬萊翠窈 步虛聲婉轉
清徹瑤壇疑是鈞霄鳳音渺正金姥禮虛皇天皆淨
涼入綃衣風裏想金書祕宇賜長生進酒九醞霞卮
練顏長好

嘉忠堂鈔本

宣極齋樂府

嘉惠堂鈔本

附錄

陳深字子微世為吳人生於宋習舉子業宋亡棄故
習篤志古學閉門著書有讀易編讀詩編春秋編宜
極齋稿其弟子受業者戶復恒滿天歷間奎章閣臣
以能書薦之愈潛匿弗耀顏其齋曰宜極學者稱為
宜極先生云子植字叔方克繼父業有孝行更世變
以琴書自娛凡辟召皆不起以慎獨名其齋

嘉惠堂鈔本

白雪詞

目錄

水龍吟調四

望海潮調六

木蘭花慢調五

慶春宮調一

醉春風調二

歸期惟調一

蝶戀花調一

玉蝴蝶調一

憶秦娥調二

西江月調七

沁園春調二

百字謠調四

水調歌頭調五

惜餘春慢調二

浣溪沙調二

清平樂調十一

滿江紅調一

千秋歲調一

望遠行詞一

踏莎行詞三

一剪梅詞一

鷓鴣天詞二

嘉惠堂鈔本

白雪詞

宋 陳德武

水龍吟

西湖懷古

東南第一名州西湖自古多佳麗臨堤臺榭畫船樓閣遊人歌吹十里荷花三秋桂子四山晴翠使百年南渡一時豪傑都忘却平生志 可惜天旋時異籍何人雪當年恥登臨形勝感傷今古發揮英氣力士推山天吳移壑水作農桑地借錢塘潮少為君洗盡岳將軍淚

又

十月廿三日偶見窗外

阻雨住長樂興寧驛館舍寂甚桃花數朵遂成此詞以寓意焉

驛樓歲暮蕭條小桃何事迎人笑無語如訴命睽王

母信沉青鳥，鬢瘦繁霜脂。銷零雨夢寒，清曉自劉郎。
去後天台路，隔知辜負春多少。今日玉驄來到喜，
相逢菱花孤照清幽。誰伴黃花告謝芙蓉，云老早起。
東風移根換葉，脫身池沼，佳期前度琴心一曲作。
相思調

又次韻寄別葉戶

花驄柳外頻嘶，使君抵事，揀人去北橋。風月睢陵，桃
李幾回良遇，我待君來他催君去。誰留君住，想樽空
北海，詩成東閣。這都是歡娛處。寶月纔圓又缺，况
人生會難離易。馭風無計，縮地無術，問天無語，指海
為爐，觀山為炭，盡燒愁緒。把一心天地，一家南北，此

嘉惠堂鈔本

身堪寄

又和雪後過瓜洲渡韻

問津楊子江頭，滔滔潮汐，東流去六朝文物。千里陳
迹，幾更烏兔。天恨東南水流，今古地分吳楚。喜壯遊
千里，桑弧蓬矢，功名事儒生語。翹首石頭城北，簇
樓臺遠連芳樹。雪消天氣澄江如練，碧峰無數。銀甕
春回金山鍾曉，夢閑鷗鷺。早歸來盡日風平，人靜孤
舟橫渡

西江月 漳州丹霞驛

山拱羅城四面，柳營橫接江東。十年前事影隨風。今
日宛如春夢。天下幾多郵驛，人生到處飄蓬。丹霞

樓上再相逢橫笛為君三弄

又冬

時序去如流矢人生跡似飛蓬石灣江上又逢冬且
喜一陽初動但見堪輿杳杳更連山水重重淒涼
雲物雨濛濛惟足睡中歸夢

又題洞
簫亭

鳳舞漢陽月麗龍吟漢水雲飛行雲何事駐天涯橫
玉危欄四倚問岳陽三度後看塵世幾番棋鶴群何
處未歸來冷落吳頭楚尾

又詠
雪

為問雲間滕六天工何事依違冬前三白不時為今

嘉惠堂鈔本

日駕言春瑞瘦損窮彭澤柳禁持殺傳岩梅仁風
反掌霽天威都做一江流水

又

壓雪江山亦老迎春草木俱新雪消春去逐飛輪誰
識靜中機運濁濁壩頭泥土攘攘市上風塵為何
不住往來人都被利名淘盡

又詠
雪

有信江頭春色無憑天上浮雲白衣蒼狗又何頻豈
是隨風情性法受三千謫路翻成萬里思親瓜洲
中道不逢人誰寄江南春信

又春
暮

白雲詩
三
時序去流如水功名冷似寒灰儘教江庾賦多才一刻千金難買客裡月圓月缺樽前花落花開春來何處帶愁來春去此愁何在

望海潮

錢塘懷古

隴山西拱洲水東逝誰餘一箭臨衝鳳舞龍飛地靈人傑當年樹此勲庸強弩萬夫雄令馮夷退舍海若潛鋒擁石城湜百川約束障西東至今人物蕃豐仰功揚山立德潤川容樂極西湖愁多南渡他都是夢魂空感古恨無窮嘆表忠無觀古墓誰封棹艤錢塘濁醪和淚洒秋風

又拱日亭

嘉惠堂鈔本

山崖海角天高地厚長安舉首何方萬水朝宗眾星環極平生此志無忘亭上一翔翔見烟收霧斂鳳翥龍驤海色蒼淒金鳥拍翅上扶桑遙瞻咫尺清光物無遐不燭有隱皆彰發菲心勞之官路遠篙師又促歸航不敢久徜徉把梧桐綺實葵藿心腸假我雙翰一朝飛上五雲鄉

又清明詠懷

三分春色十分官事令人孤負芳菲歌燕啼鶯語花舞柳園林好處誰知還憶舊遊時對海棠駐馬紅葉題詩一別東君回顧又是隔年期相思遠在天涯鎮海填恨臆山瑣愁眉杜宇能言鷓鴣有淚漫勞胡

蝶于飛景與少年宜把榆分新火香透羅衣風月常在雙魚報道早來歸

又

南宮一載西流萬里離懷孰不傷情富貴邯鄲雨雲
巫峽回頭一夢空驚誰辱又誰榮問當時道德今日
功名楚水吳山向來多少送和迎 長安古道長亭
歎馬蹄不駐車轍難停被老首陽芝深商谷時遙霧
擁雲平此意已差評但金絨白雪錦佩青萍採竹崑
崙有時吹作鳳凰鳴

又

祖鴈東館移舟南渡江天雲樹離離盤谷漁樵舞雪

嘉惠堂鈔本

風詠渴心常望雲霓知與故人齊念翼殘猶鍛足蹶
還鷄百折江流峽猿水鳥助孤棲 幾回夢繞山西
耐疎篷夜雨驚枕晨鷄對無聲詩哦有聲畫儀形已
見端倪回首暮雲迷又桐飛金井燕落烏衣有意相
思雙雙乘羽莫教遲

又和韻寄別
葉雅宜

陵山載酒泗河楊柳樽前折盡將離纜試牛刀俄驚
鳧鷖令人去後多思休唱別離詞看玉函星鉄騎佩
銅絲丹鳳鳴陽碧梧棲爾最高枝 等閑展對聲詞
對一庭明月千里邦畿西澗家聲玉堂人物夜窗夢
果心期才思浩無涯若深航濂洛峻駕峨眉胸把相

思銀箏錦字莫教遲

沁園春

舟中夜雨

冬夜如年客枕無眠怎到天明待數殘二十五寒更
點聽餘一百八曉鐘聲雨脚敲篷灘頭激纜總與離
人訴不平徧聞得我沒深恨海砌起愁城 問君何
事牽縈想最苦人間是別情念千山萬水沈魚阻雁
一身兩地燭鶯煎燕綉枕痕多錦衾香冷有意巫山
夢不成怎撇下兩字相思萬里虛名

又送

飛雨一番杜宇數聲東君又回對花垂粉淚舟移洛
浦柳眉顰黛馬走章臺南架海棠北窗紅葉都是當

嘉惠堂鈔本

年手自我傷離別想今朝去也明日重來 軒車且
莫相催待細把衷腸訴此懷這畫闌六曲懶和月倚
朱簾十二不與風開青杏園林朱櫻酪酒爭似和羹
雪後梅那時節好都將心事分付多才

木蘭花慢

寄桂林通判葉夷仲

自淮陽別後一回首又窮年歎蓬逐旋蕩葉隨流水
星散維垣南來忽聞歸興豈蒼天故意要儲賢雲慢
凌司馬賦風偏動季鷹船 梅窗夜月見修妍駿轡
憶錢連命畫檣溪流籃輿山郭囊錦詩篇依辭歲寒
遠道對松篁莫澗寂寥邊塵榻誰為我下酒杯惟待
君傳

又再疊
前韻

對江雲日暮又那更夜如年見霜滿晴空山脚星斗
月掛城垣知心故人間阻幾何時樽酒會多賢冷落
巴山夜雨淒涼剌水寒船 孱容羞靚鏡中妍遠水
與天連怪夢有餘甜酒無好味詩不成篇乃圭解生
毛羽向晨風飛傍彩雲邊報到東君到也一枝春信
先傳

又三疊
前韻

一春堪又盡問何日是歸年望五嶺重關九嶷疊翠
滿日藩垣蒼梧斃時艤棹許論文高議仰英賢獨立
殘花影月朝盼盡柳陰舡 天台山水世間妍天姥

嘉惠堂鈔本

赤城連好收拾蘭莊白雲深處詠卜居篇重尋舊遊
鶯燕恐無心待雁夕陽邊聲跡今猶密邇鸞牋莫厭
頻傳

又思
情

自東君別後對花柳愈無聊但旅寓年年夢添夜
飯減朝朝應憐此情恰似梅天風雨正瀟瀟奩玉有
誰暖眼帶圍慢自鬆腰 深沈庭院好香燒水遠玉
人遙念信阻鸞牋調空綠綺字滿鮫鮪東君也知人
意幾黃昏天際送蘭橈錦荔堂前載酒梧桐月下吹
簫

又春
迹

值昇平海宇又春色與俱還向楊柳樓臺海棠亭院
紅藥闌干可人好風良月都收拾錦囊間心事已超
塵外天公分付人間 世途陸海擁波瀾回首夢中
看想酒醒羅浮雲空巫峽飯熟邯鄲從茲破琴煮鶴
猗蘭不用對人彈粗足少游衣食何妨司馬江山

百字謠 詠惜花
春起早

惜花心事不由人胡蝶夢魂先覺剛納綉鞋行掠髮
仰見斗橫林抄昨日深紅今朝輕白顏色殊昏曉此
中滋味料他塵世知少 問二十四番風寒梅并絳
四始終俱好須看未開開又謝多少落英顛倒綴綵
隋園鹿遊唐苑哀樂無憑禱此音誰寄凭闌猶把琴

嘉忠堂鈔本

把

又詠愛月
夜眠遲

古今明月魄生明後積漸圓還缺秋解傷神春最好
衾枕幾番鋪設十二瑤臺千金一刻橫竹休吹徹綉
簾高揭戒他莫把燈熬 夜久誰共嬋娟掩孤幃睡
去此情尤切夢駕綵鸞何處覓飛上玉樓瓊闌舞按
霓裳歌揚紅豆高處風光別鳥聲鶯覺衝冠怒豎吾
髮

又詠 水
在手

晚臨湘浦憶鮫人曾許淚珠綃怕盪掬空明和月待
宮瑣水晶深夜躍壁初圓浮金不定敵眼寒光射水

心龍鏡喜來翻不成把
最恨對面姮娥舞霓裳掌上

又詠弄花香滿衣

嘉惠堂鈔本

慶春宮立春

風送深冬雪消殘臘天時人事相催堂北迎萱水東
問柳阿誰報道春回土牛糝罷候 瑄先飛律仄宜
宜寶字是處人家羅綺筵開 三年客裡情懷千里
親聞一寸靈臺綵燕金釵青絲生菜還思纖手安排
韶光也是可人的如今再來介他眉壽但願年年春
酒盈杯

水調歌頭

題楊妃夜宴醉歸圖上雁秦
號二夫人貴妃抱嬰於馬上

日色隱花萼清夜宴華清梁州新曲初就錦琴按銀
箏中坐太真妃子列坐親封秦號歡笑盡傾城百斛
金樽倒一醉玉山傾 扶上馬東小玉右雙成絳紗

籠燭高照宮漏已三更抱得祿兒歸去酒醒三郎何處忽聽鼓聲驚可惜馬嵬恨不得寄丹青

又詠惜花
春起早

好是三春景都在百花軒美人眠不成夢早已繡簾
欸分付海棠睡足檢點牡丹開未桃李寂無言葉露
聯珠絡枝月墜金盆 樹鈴禁高障檻補籬藩丁窻
鶯燕蜂蝶上下莫爭翻遙想韶光九十只恐花飛一
片瘦減玉顏溫不憚銀瓶冷汲井沃芳根

又詠愛月
夜眠遲

三五嫦娥月夜色正嬋娟自從竊藥歸去天上幾千
年試問廣寒高處為甚缺多圓少此理孰為權弦望

嘉惠堂鈔本

知天定離合可人憐 典宮錦歌水調載樓船謫仙
居士何在月色尚依然遙想人生百歲三萬六十良
夜能得幾時圓莫遣金盆落達曙照無眠

又詠掬水
月在手

蓮襯凌波步箭浴影娥東晚粧脂粉猶膩雪潔弄春
浴恰似玉盤拈指莫是金環脫臂寶鏡逐華容好箇
明珠顆落在掌窩中 可人意拿不住握還空騎鯨
便欲採取恐觸卧驪龍奈玉纖春凍也那壁團圓何
處有影却無踪不上廣寒殿便入水晶宮

又詠弄花
香滿衣

夢足芙蓉曙步入牡丹叢試將枝葉枚數寵紫與嬌

紅如訴如歌體態輕暖輕寒天氣春色把人烘百斛
沈檀味兩腋麝蘭風 春衫透羅襪沁暗回中芳心
能有多少一點束千重只恐遊絲行露謾惹狂蜂輕
蝶珍重惜儀容蘭蕙修芳佩蘋藻薦公宮

醉春風

三月二十七日出
禁謫家夏安置

推枕床羞下臨鸞眉不畫妬深誰復白珪瑕怕怕怕
飛燕班姬昭君延壽孰知淫雅 背倚荼蘼架淚滿
鮫鮪怕白頭吟斷怨^此琵琶罷罷採柏賣珠牽蘿補
屋順天生花

又閨情

陌上輪蹄滿花間蜂蝶亂畫簾低捲對南山輕媛輕

嘉惠堂鈔本

山字下脫三字

寒乍雨乍晴風流雲散 羅袖傷春晚紉扇驚秋換
誰將白雪污青鬟懶懶懶金屋笙歌茅簷風月悲歡
相伴

惜餘春慢

憶海

不語佳人多才名友天遣伴吾幽獨令姿潘岳太素
何郎爭似一叢紅玉誰為識雲錦裳天孫巧處暗空
機軸別離間陡覺春風一度電光驚目 因念着舊
日歡娛清平歌曲板按玉人橫竹金盆月落銀燭紗
籠一刻千金難贖微醉欲醒未醒聲聲喚起睡何時
足待移根與賦歸來敢比淵明松菊

又

欄葦疎蘆簾編小葦好箇清幽公館栽槐夾道種菊
盈軒景物便堪吟翫門外一番雨餘嫩綠枝綠淺
青眼俏無人一枕新涼睡覺燕泥香暖 薦地裡對
景傷懷思量無限回首故園春遠松期竹待壑請林
朝苦被浮名牽絆一種思情最長萬疊江山怎生遮
斷向北堂見子忘憂萱草此心方滿

歸期惟送前王通判
惟善赴君

昨夜城頭望牛斗金氣橫空作龍吼朝天尺一鶴飛
書樽前奪我龍頭友風流江左後青氈舊物曾堅守
念僑居淮陽九載閑却絲綸手 花驄欲繫無長柳
玉筋頻揮翻短袖鳳凰臺近月重圓紫薇花暖香依

嘉惠堂鈔本

舊功名隨分有論交要在知心友唱陽關一杯別酒
先禱斯文壽

浣溪沙春思

庭院深沈絕俗埃綠苔因雨上層階畫簾低捲燕歸
來 月似有情中夜入花何無語向人開謾勞飛夢
到天台

又

月落桐梢杜宇啼雲埋芳樹鷓鴣飛夜闌公作送春
詩 山上安山經幾載口中添口又何時相思一曲
訴伊誰

蝶戀花送春

昨夜狂風今日雨風雨相催斷送春歸去萬計千方
留不住春歸畢竟歸何處好鳥如歌花解舞花鳥
無情也訴離愁苦流水落紅芳草渡明年好記歸時
路

清平樂 咏物十首

蛾眉淡然未約心先許坐待不來來又去直到碧窗
深處雨雲偏妬妖嬌幾孤三五良宵安見殘粧新
畫多應春暮朝朝

右詠月

天孫自織經緯天南北明月樓臺高百尺玉手昔曾
親摘種榆人去何年乘槎偶認張騫報道秋期近

嘉惠堂鈔本

也好將巧思相傳

右詠星

呼來吸去畢竟為誰主輾力慢扶花柳舞禁不住顛
狂處等閑天易涼炎每教人愛人嫌最是相思病
起呼兒緊下珠簾

右詠風

絲絲綠綠惹起雲根燕萬里江山春欲遍多在梨花
庭院經旬一見通宵恍如身在藍橋記與巫山神
女不禁暮暮朝朝

右詠雨

隨風情性聚散元無定雨過黃昏收拾盡送出月明

花影 誰言出岫無心騰騰飛上巫岑夢斷不知何處玉人鬢上斜簪

右詠雲

嬌聲嬌語恰似深閨女三疊琴心音一縷趁在綠陰深處 此音宜與人知此身不與人欺薄暮背將斜月噪聲飛上高枝

右詠蟬

三三兩兩夜夜教人想偷入霜綃斜隙帳直到珊瑚枕上 玉人夢繞江南輸他一餉肥甘莫恨我心兒毒只因你口兒饒

右詠蚊

嘉忠堂鈔本

輕姿傅粉學得偷香俊百紫千紅人未問先與芳心折損 一生天賦風流不知節去蜂愁堪笑莊周老子將身夢裡追遊

右詠蝶

黃梅雨住青草池塘暮輕許天然樂兩部遙想周郎不顧 生憎利口喃喃憑誰井塞泥織最是玉人枕上幾回夢斷江南

右詠蛙

星星散散遠地無人管一點寒光雖有爛飛不河到西畔 畫堂花暗銀缺井欄添箇雙雙欲照相思兩字籍風扶過虛窗

右詠螢

啾啾唧唧夜夜鳴東壁如訴如歌如涕泣亂我離懷
似織 畫堂簾幙深沈美人睡穩香衾懶婦知眠到
曉爾蟲枉自勞心

右詠促織

玉胡蝶 雨中對紫薇

好是春光秋色天工巧處都上花枝更值雲情雨態
淨沐芳姿醉相扶霓裳舞困眠未得宮錦淋漓有誰
知眼空相對心繫相思 相思鮫鮪怕上珠懸紅淚
水洗胭脂寂寞闌干無言暗憶舊遊時五花驄載將
郎去雙喜鵲報一枕新涼睡熟不知天曉最是家山

嘉惠堂鈔本

千里遠勞歸夢待說離情難覺覺來時簷外數聲啼
鳥 誰道為甚新來消瘦底事懨懨煩惱不是悲花
非干病酒有箇離腸掃悵望江南天際白雲飛處念
我高堂人老寸草心朝夕怎寬懷抱

滿江紅

記得年時離筵上把梅花折還經盡江南烟雨淮揚
風雪寒食清明都過了看看又到端陽節倚闌干屈
指數流光經年別 心一寸腸千結千里夢三更月
曉來寒透不堪愁絕羞見慈烏反哺厭聞乳燕調新
舌親禽物愈覺倍傷情歸心切

憶秦娥

脫一字

疎簾揭雲端仰見娟娟月娟娟月不應何恨照人離
別閉門獨睡空愁絕姮娥夢裡低道郎歸卜佳期
夢回巫峽春在瑤池

又夕

金井梧桐飛報秋期近也烏鵲成橋為問雙星何事
長待今宵別今年新歡暫展更五鼓舊恨重搖黯魂
銷兩情脉脉一水迢迢寂寞寄言兒女縱能多巧
笑暇相調暗思離愁人間天上古來饒但心堅天長
地久何意在雨暮雲朝寶香燒無緣駕海有分吹簫

千秋歲

濯錦丰姿新涼臺閣懊悔巫雲太輕薄琵琶未訴衣

嘉惠堂鈔本

衫溼菱花不照胭脂落鳳凰池鴛鴦殿重金鑰春
色畫船何處泊秋色丹青難摸可惜風流總閑却
此情不與人知道知時只恐人撓着碧窗前銀燈下
陪孤酌

望遠行

城頭初鼓天街上漸漸行人聲悄半窗風月低說低
低說悲歡離合陰晴圓缺

踏莎行

中秋不見月

霧失南樓雲低東閣枝頭不見南飛鵲姮娥何事太
多情今宵故誤年時約天易陰晴人多哀樂從來
此事難憑度匆匆又是隔年期且燒銀燭酬高酌

又

聲跡隨風浪痕如霰藍橋路遠無由見黃昏腸斷倚
闌時看看數盡南飛雁日理絲機宵拈鍼線春秋
不管鶯和燕欲將心事訴佳期迴又直上金鸞殿

又

梅壓宮粧柳橫眉黛都將留得春光在弄琴臺上忽
相逢吹簫月下曾相待 海燕春歸江鴻秋邁到頭
總是恩和愛佳期約在白雲間一團和氣春如海

一剪梅九

新酒初香菊半含月也三三日也三三登高已約上
嶄崑世事相擔風雨相擔 頭上茱萸顛倒簪身在

嘉惠堂鈔本

河南心在江南淵明何日解征驂俯也何漸仰也何
漸

鷓鴣天九

三徑芳根自不羣每於霜後播清芬枝頭蛺蝶如羞
見籬外征鴻不可聞 情脉脉思紛紛遠窗吟咏理
餘薰捲簾人在西風裏知是新來瘦幾分

又九

疎散履穿東郭流離馬沒藍關瓜洲誰問卧袁安孤
負新年月半 鍊甕成銀甕金山做玉山看無知兒
女不知寒冰筋掌中爭看

白雪詞

嘉惠堂鈔本

耐軒詞

目錄

憶梅

賀新郎

木蘭花

滿江紅

燭搖紅

喜遷鶯

醉蓬萊

水調歌頭

漢宮春

念奴嬌

畫錦堂

滿庭芳

九首

念奴嬌

沁園春

蘇武慢

憶秦娥

耐軒詞目錄終

憶梅二字是總題非
詞牌名也當刪

嘉惠堂鈔本

耐軒詞

憶梅 并序

塞外百物不產所

平生清事付之茫

然緬懷故鄉梅

詠時一歌之亦足以遣鄙

惡之懷云不用

用詞者蓋余有梅花百詠板行

於世今不再用詩也

賀新郎 梅月中

記得家鄉日傍湘簾一株索笑古枝擎月今歲花開
人去遠辜負滿園香雪天有意縱他孤潔萬里一輪
冰鑑淨廣寒宮路杳人輕別酒杯闌歌聲歇離離翠

影殊清絕。想蟠根綠苔千古冷。光明滅玉笛一聲空。吹出芳心千重。似結雲淡淡。曉風生髮青鳥不來歸。夢醒嫦娥如愁偏切。天所愛休攀折。

木蘭花

梅鶴邊

江南別後芳歸夢。路難通。想鶴外遺踪。梅邊佳興。意味無窮。自來幽致。况瑤花千尺。玉羽更相從。半夜舞殘斜月。一聲叫斷清風。熒熒千古頂丹紅。料不比那時同。歎風塵物表。暗香馥郁。踈影玲瓏。多少乾坤清氣。望東南。山水一重重。何日幅巾歸去。叮嚀畫入圖中。

滿江紅

竹邊

嘉惠堂鈔本

脫一字

翠袂凝寒斗杓轉。瑤臺初曉。吹五更殘夢。一聲青鳥踈影橫斜。餘雪凍玉妃不語。窺天巧。念古今高節。有誰憐。知音少。綠陰底。苔花遠。清香外。春風早。想孤山堂上。白頭逋老。竹外一枝真似畫。人間此語相傳好看。當年駢背灞橋邊。知道

燭搖紅

冰底

露冷平湖。波心皎皎。沙痕潔。一枝斜浸水中天。錯認瑤池雪。玉殿春寒尚劣。捲珠簾。半鈎殘月。蒼龍應駭。錦鱗還疑。看來殊別。裁斷銀河水。流不去。光澄徹。賞心唯有白鷗知。未許人攀折。素女心腸如鐵。新浴罷。廣寒宮闕。自憐別後。一寸丹心。幾番愁結。

喜遷鶯雪中

垂虹亭畔數百里玉樹瓊林不斷鞭影敲寒馬蹄踏
凍是處梅花堪玩皎皎呈輝闌潔幾度使人迷眩香
撲鼻見一枝斜斜竹稍相伴 君看難畫處百里懸
崖風捲花零亂細剪清水輕鋪練素新月一鈎雲綻
當時緩吟低唱鶴外風生高岸於今聽得一聲畫角
數聲長歎

醉蓬萊杖頭

記夕陽江上看罷行雲折梅歸去一片春風在杖頭
高處滿路清香滿肩踈影笑清狂如許玉骨娟娟冰
魂悄悄耳邊無語 今日天涯客中心緒半夜相思

嘉忠堂鈔本

一燈風雨安得敲門向琳宮翠宇玉笛聲中對清風
拉箇賞心瓊侶此意茫然欲宣離恨愧無佳句

水調歌頭燈前

華館鐘初歇湘簾捲暮寒青燈一點照見玉樹影溥
溥棋子幾番敲碎欲上瓊樓高處吹笛倚欄杆楮帳
香初歇春風雪未乾 銀缸淺蘭膏暈夜漫漫坐來
閑別處心事起千端今日天涯久別何年酒邊歡悅
折取一枝看但得孤根在何憂會面難

漢宮春餅中

簾幙沉沉正門掩微寒樹迎新旭明窻淨几手貯一
瓶春綠古心誰賞有參差萬株群玉真堪愛一枝斜

倚東風潤資瓶腹 鶴邊夢魂春熟似無言有意暗
傳芳馥借成生意一段風流俱足於今別後幾經年
佳期頻卜看他拂衣歸去再纏箇水西茅屋

念奴嬌

松山下

九壠峰下向僧房雨箇長松凝綠一樹瑤花相映發
萬里月華堪掬露濯芳枝鶴行踈影驚落梢頭玉千
秋老幹瀟然同在幽谷 雲聯十畝層陰素娥相倚
無限歲寒心曲一片迴颿忽吹起夜半清香千斛世
念消除凡心滌盡翠髯如沐可憐別後夢中浪翻銀
屋

畫錦堂

嘉惠堂鈔本

曲澗東頭眾峰凹處坐弄膝上冰絃皎三株玉樹斜
倚吟肩風飄暗香凝兩袖漱孤根一脉流泉雙耳潔
滌去塵心江空玉鏡高懸 娟娟良夜永踈影瘦清
風雨鬢蕭然彈到曲終人靜露顆初圓斷橋流水孤
蓬底裁雲剪水鶴同還真無價萬古西湖清事盡屬
逋仙

余賦成十詠之後一以寄浙江諸高僧一以寄
梁溪諸友俾知我懷抱未嘗一日忘清事也容
曰先生學道二十年而猶未免於凝滯非謂達
者也余曰梅花清物也古人愛者多矣詠之何
害况鄉園者祖宗墳墓骨肉之所在也詎能忘

情耶於此而忘情則入荒唐不倫之學也豈吾
儒之道哉客退復自識於十詠之後時庚午正
月十六日天遊道者燈下書

滿庭芳觀

種樹成陰開渠引水君看此理分明為災為福向此
心生謾逞機權智巧無人禍定有天刑強凌弱損人
益己高築子孫城 誰知欺不得九秋風雨一旦頽
傾算從前俱錯枉費經營不若處心平易行事處莫
布深坑都無用一區善地留與子孫耕

又息

友道凋零瀉風鼓扇百牙已破瑤琴陶潛歸後萬事

嘉惠堂鈔本

總無心茅屋數椽而已人不到滿地松陰出門去青
鞋布襪處處是山林 世情都掃盡雲邊長嘯竹裏
孤吟更休言榮辱毀譽昇沉且共清風明月占斷了
往古來今閑中趣一聲幽鳥春水落花深

又浩

雨濕殘雲草函暗色浩歌獨倚風前烏紗巾上萬里
靚青天自笑平生迂懶心似鶴不慣塵緣春來好落
花飛絮斜日淡平川 古今山獨在人非秦晉海變
桑田歎人生百歲憂喜相牽俯仰都成一笑心友處
轉覺忘言歌聲絕江山無限情在白鷗邊

又夢

福下脫一字

而轉言
貧自何來富從何得一貧一富俱空以貧求富得失
兩匆匆何必躊躇計較身死後貧富消融醉中醉夢
中成夢埋沒幾英雄 若教都勘破任他貧富不碍
窮通肯輕將外物梗我心胸俯仰乾坤今古嗟世路
南北西東高歌罷一曲長鈇雙目送飛鴻

又靜
坐

竹葉風清松梢雨霽坐看雲起青山寒寒無語花落
綠苔班點檢平生踪跡愁裏過綠鬢朱顏今朝醒虛
名擲去終日閉柴關 沉吟誰與伴一爐香篆白鶴
飛還又何須擾擾來往躋攀縱使功名成就心已碎
百困摧殘思量遍黃金萬鎰難買一身閑

嘉惠堂鈔本

裂

又讀

心發於中言形於外曉曉少吉多凶論長話短於己
有何功何況垣墻有耳平地起沸狂風分明見蘇秦
掉舌身烈已無踪 算來都是禍不如緘默如醉如
聲儘由他豐豐誇爾英雄且對白雲流水花影下一
曲絲桐知心處相忘相愛江上兩三峰

又

鷓鴣鸞鳳蠅追騏驥看來多少堪羞饑饉飲水腹飽
未知休謾使身心憔悴求富貴有命難求都是夢乾
坤萬古落日照荒邱 人生誰肯悟紛紛競美展轉
狂謀細尋思何用空自添憂豈若隨時隨分饑吸菽

渴飲清流道遙處筆床茶竈烟水孤舟

又

日轉桐陰露翻蓮葉閑來獨步空庭臨池柳沐涼動
葛衣輕自揣平生蹇劣於世味轉覺無情真堪笑文
如班馬到底是虛名何如歸去好游心造化寓意
蓬瀛又何須談說坎止流行花下半壺綠醕微醉後
雨腋風生踈狂慣一聲長笛吹破晚山青

又

浩浩生涯悠悠岐路嗟哉底事多忙虛名微利一日
九迴腸記得長安旅店鷄唱曉燈淡寒霜騎瘦馬出
門西望殘月尚留光歸來已心倦回頭夢破贏得

嘉惠堂鈔本

踈狂有時將舊事再自論量撫掌開眉一笑百歲裏
浪飲何傷休迷戀青山流水千古自斜陽

念奴嬌

和劉龍洲韻

乾坤納納望夕陽外斷雲飛處惆悵往來人似蟻彼
此區區爭路一枕清風一竿明月一艇芙蓉雨可憐
俱誤利名一點心苦只合自展高懷獨開老眼只
與心同語富貴百年能幾許千古文章黃土紅葉溪
邊白鷗灘上此景真無主婆婆老子早晚拂衣求去

沁園春

和戴石屏韻

天際青山海上羣鷗頗識王生本無心事金堂玉室
丹崖翠嶽占取高名年少文章於今可笑濯足西江

有脫誤

秋水清真漸愧兒童劇戲蠅語蛩聲 龍峰九點崢嶸
嶸賣劍買牛思學耕昔賢已矣皆有志此身何幸政
遇昇平竹葉琴邊梅花鶴外布鞵青鞋儘自行更堪
愛綠蘿深處一箇流鶯

蘇武慢 和趙先
生韻

轅固歸來公孫成就莫問世間工拙白鳥無機青山
無主儘可與君談說何況酒釀松葉香燒柏子彼此
是非都絕獨許他詩客禪僧笑傲烟霞風月 到今
日一視賢愚兩忘榮辱任他樓護唇舌種菊編籬栽
松闢徑占作林間豪傑木落秋高雨餘雲散幾點遠
峰斜缺諒此時情趣悠然只可自家怡悅

嘉惠堂鈔本

憶秦娥 題春
山圖

波凝澁蘭芽透土明紅玉柳絲千尺暖風搖綠 抱
琴踏遍南湖曲問渠何處尋芳躅尋芳躅斷橋流水
杏花茅屋

又 題晚
泊圖

愁如縷誰家落日敲秋杵淡烟疎柳故人何許 別
來每恨關山阻江鴻影落芙蓉渚芙蓉渚短蓬孤獨
幾聲疎雨

耐軒詞終

而車言

六



嘉惠堂鈔本



